

**ԱՐԺԵՔԱՎՈՐ ՏՊԱԳԻՐ ԳՐՔԵՐԻ
ՄԱՍՆԱՎՈՐ ՀԱՎԱՔԱԾՈՒՆ***

ՀՏԴ: 025.171

DOI: 10.54503/2953-8092.2024.2(4)-103

ՍԱԹԵՆԻԿ ԳՐԻԳՈՐՅԱՆ

**Մալբենադարան. Մեսրոպ Մաշտոցի անվան
հին ձեռագրերի ինստիտուտ**

ORCID: [0009-0006-7502-376X](https://orcid.org/0009-0006-7502-376X)

Սույն ուսումնասիրությունը վերաբերվում է Վարդաձոր գյուղում (ՀՀ Գեղարքունիքի մարզ) հանգրվանած տասնչորս անուն տպագիր գրքի մասնավոր հավաքածուին: Գրքերի մի մասը բերվել է Արևմտյան Հայաստանի Մշո տարածաշրջանից տեղահանված և Թագազյուղում (գյուղ՝ ՀՀ Գեղարքունիքի մարզ) 1800-ական թթ. հաստատված Գեղամ Մնացականյանի ընտանիքի կողմից, ում և նախնիները ժառանգաբար փոխանցել են գրքերը: Սակայն, Գեղամ քահանայի ավագ դուստրը՝ Հռիփսիմեն, հավաքածուն 1940-ական թթ. տեղափոխում է ամուսնու գյուղ՝ Վարդաձոր, կորստից և վնասումից փրկելու համար, քանի որ հայրը աքսորվում է: Ավելի ուշ՝ Հռիփսիմեն հավաքածուն ժառանգել է փոքր դստերը՝ Վարդանուշին, և փեսային՝ Սանասար Մանուկյանին: Վերջինս փոխանցել է կրտսեր որդուն՝ Ազար Մանուկյանին: Մանուկյանների ջանքերով՝ 2010 թ. տան հարակից մասում կառուցվել է փոքրադիր քարակերտ մատուռ-սրբատեղի: Աղոթատունը կառուցվել է Վարդանուշ Մանուկյանի երազի հիմամբ. սուրբը մատնանշել է մատուռի կառուցման վայրը, որտեղ նախկինում խնձորենի է եղել:

Ավելի քան տասնչորս բազմաբնույթ տպագիր գրքերի (մեկը՝ հնատիպ) հավաքածուն ներառում է՝ Ժամագիրք Արենի (1785 թ.), Պատմություն

* Հոդվածը ներկայացվել է 17.07.2024, գրախոսվել է 04.08.2024, ընդունվել է տպագրության 29.10.2024:

The article was submitted on 17.07.2024, reviewed on 04.08.2024, accepted for publication on 29.10.2024.

Աստվածաշունչ գրոց Հին և Նոր կտակարանաց (1805 թ.), Նոր Կտակարան սրբոյ Աւետարանի Տեառն մերոյ Յիսուսի Քրիստոսի (1814 թ.), Յովսէփ Սաղմկեցի. Քննութիւն խնդրոց (1846 թ.), Ժամագիրք (1854 թ.), Շարական (1861 թ.), Ժամագիրք (1862 թ.), Խորհրդապետր (1880 թ.), Քարոզներ (խորագիրը՝ պայմանական, 1900-ական թթ.), Ժամագիրք (1903 թ.), Պատմութիւն Նահանգին Սիսական (1910 թ.), Օրացոյց (1960 թ.):

This study deals with the private collection of fourteen printed books located in the village of Vardadzor (Gegharkunik region of the Republic of Armenia). Some of the books included in the collection were brought to Tazaghugh (village in Gegharkunik, RA) from the Mush region of Western Armenia in the 1800s. confirmed to the family of Gegham Mnatsakanyan, whose ancestors inherited the books. However, Hripsime, the eldest daughter of priest Gegham, bought the collection in the 1940s. moves to her husband's village, Vardadzor, to save her from loss and damage, as her father is exiled. Later, Hripsime inherited the collection to his younger daughter, Vardanush, and son-in-law, Sana-sar Manukyan. The latter passed it on to his younger son, Azat Manukyan. With the efforts of the Manukyans, in 2010 a small stone chapel-sanctuary was built in the adjacent part of the house. The prayer house was built based on Vardanush Manukyan's dream. the saint pointed out the place where the chapel was built, where there used to be an apple tree.

The collection of more than fourteen diverse printed books (one rare book) includes: Book of Hours of Athens, 1785, History of the Holy Bible, Old and New Testaments, 1805, New Testament of the Holy Gospel of Our Lord Jesus Christ, 1814, by Joseph Salmketsi. Exam petition: 1846, Book of Hours: 1854, Hymn: 1861, Book of Hours: 1862, Book of Counsel: 1880, Sermons (script: conventional), 1900s. (probable), Book of Hours: 1903, History of the State of Sisakan: 1910, Calendar, 1960.

Քանալի բառեր՝ Գեղարքունիքի մարզ (ՀՀ), Վարդաձոր գյուղ, Մշո գավառ, Արևմտյան Հայաստան, Թագազյուղ, Մանուկյանների ընտանիք, տպագիր գրքեր, մասնավոր հավաքածու:

Ինչպես հղել՝ Գրիգորյան, Ս. (2024), Արժեքավոր տպագիր գրքերի մասնավոր հավաքածուն, *Լրալու Հայկական գրադարանային ասոցիացիայի*, 2(4), 103-124. [https://doi.org/10.54503/2953-8092.2024.2\(4\)-103](https://doi.org/10.54503/2953-8092.2024.2(4)-103)

How to cite (APA style): Grigoryan, S. (2024), The private collection of valuable printed books, *Herald of the Armenian Library Association*, 2(4), 103-124. [https://doi.org/10.54503/2953-8092.2024.2\(4\)-103](https://doi.org/10.54503/2953-8092.2024.2(4)-103)

Ներածություն

Հայկական գրատպությունը սկզբնավորվել է Հայաստանի սահմաններից դուրս՝ Վենետիկում, 1512 թվականին, ապա տարածվել է աշխարհի բազմաթիվ վայրերում՝ Կոստանդնուպոլիս (1567 թ.), Հռոմ (1579 թ.), Նոր Զուղա (1638 թ.), Ամստերդամ (1660 թ.), Ս. Էջմիածին (1771 թ.), Սանկտ Պետերբուրգ (1781 թ.), Աստրախան (1796 թ.) (ՈՍԿԱՆՅԱՆ 1988, 7), Թիֆլիս (1823 թ.) (ԼԵՎՈՆՅԱՆ 1946, 224), Արցախ՝ Շուշի (1828 թ.), Երուսաղեմ (1833 թ.) (ՄՈՒՐԱԴՅԱՆ 2011, 3), Երևան՝ 1876 թ. (ԼԵՎՈՆՅԱՆ 1946, 234) և այլուր: Այսօր հայերեն տպագիր ժառանգության պատկանելի հատվածը պահպանվում է գրադարաններում, մշակութային և հոգևոր կենտրոններում՝ Հայաստանում և նրա սահմաններից դուրս: Մինչդեռ մի շարք արժեքավոր տպագրություններ հանգրվանել են մասնավոր հավաքածուներում և առ այսօր ամբողջությամբ ուսումնասիրված չեն: Սույն հոդվածում ներկայացնում ենք անհատի պատկանող մասնավոր տպագրական մի հավաքածու, որը ներառում է տասնչորս անուն տպագիր գիրք:

Տպագիր գրքերի անցած ուղին և վերջնական հանգրվանը

Արժեքավոր տպագիր գրքերի հավաքածուն պատկանում է ՀՀ Գեղարքունիքի մարզի Վարդաձոր գյուղի (ՀԱԿՈԲՅԱՆ, ՄԵԼԻՔԲԱԽՇՅԱՆ, ԲԱՐՍԵՂՅԱՆ 1998, 775) բնակիչ Ազատ Մանուկյանի ընտանիքին: Մինչ այստեղ հանգրվանելը, այն բավական երկար ճա-

նապարհ է անցել¹: Հավաքածուն Վարդաձոր գյուղ է տեղափոխվել 1940-ական թվականներին Մարտունու շրջանի (Գեղարքունիքի մարզ) մեկ այլ գյուղից՝ Թազագյուղից: Տպագիր գրքերի մի մասը Թազագյուղ է բերվել Արևմտյան Հայաստանի Մշո գավառից 1800-ական թվականների տեղահանության ժամանակ: Այն պատկանել է Գեղամ Մնացականյանի ընտանիքին, ում և նախնիները ժառանգաբար փոխանցել են գրքերը: Տեր Գեղամ քահանայի ավագ դուստրը՝ Հռիփսիմեն, 1922-1923 թթ. ամուսնացել է վարդաձորաբնակ Քյարամ Խաչատրյանի հետ: Քանի որ հայրն այդ շրջանում աքսորված էր, իսկ հավաքածուն կարող էր կորստյան մատնվել, Հռիփսիմեն այն տեղափոխել է Վարդաձոր գյուղ՝ հետագայում որպես ժառանգություն թողնելով փոքր դստերը՝ Վարդանուշին և փեսային՝ Սանասար Մանուկյանին: Ս. Մանուկյանը ժառանգաբար փոխանցել է կրտսեր որդուն՝ Ազատ Մանուկյանին: Մանուկյանների ջանքերով (մասնավորապես՝ Ազատ Մանուկյանի) 2010 թ. տան հարակից մասում կառուցվել է փոքրադիր քարակերտ մատուռ-սրբատեղի: Աղոթատան կառուցումը միայն ցանկության դրսևորում չի եղել: Ըստ կրտսեր հարսի՝ Մարինե Մանուկյանի (Ազատ Մանուկյանի տիկնոջ), Վարդանուշ Մանուկյանի երագի հիմամբ է այն կառուցվել. սուրբը մատնանշել է մատուռի կառուցման վայրը, որտեղ նախկինում խնձորենի է եղել, ինչից հետո, ընտանիքի անդամները հետամուտ են եղել սրբի հորդորներին և կառուցել են աղոթատեղին: Այսօր սուրբ գրքերի պահպանումը և սերունդներին փոխանցելու գործը ստանձնել են

¹ Ազատ Մանուկյանի նախնիները գաղթել են Արևմտյան Հայաստանի Ալաշկերտ գավառի Դարափի Վերին գյուղից:

ամուսիններ Ազատ և Մարինե Մանուկյանները²:

Հավաքածուն ընդգրկում է տասնչորս միավոր տպագիր գիրք, որից մեկը հնատիպ³:

Այժմ ներկայացնենք գրքերը տպագրության ժամանակագրական կարգով.

1. Ժամագիրք Արենի (հնատիպ): Շուրջ 426 զարդափակ էջից բաղկացած Ժամագիրք Ատենին (ՃԻԶՄԷՃԵԱՆ 1957, 423; ՏԷՐ-ԽԱԶԱՏՈՒՐԵԱՆ, ԳԱՆԳՐՈՒՆԻ, ՏՕՆԻԿԵԱՆ 1968, 194; ՕՐՄԱՆԵԱՆ 1979, 124-125) տպագրվել է Ս. Էջմիածնի «Սուրբ Գրիգոր Լուսավորիչ» անունը կրող տպարանում, 1785 թ. (ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 66-68): Կազմը՝ 26x19,5 սմ, շարվածքը՝ 23x16,5 սմ, գրությունը՝ երկայուն, գիրը՝ բոլորգիր, որոշ հատվածներ՝ նոտրգիր, օգտագործված են նաև գլխագրեր, նյութը՝ թուղթ⁴: Տողերի քանակը միջինում՝ 41-45: Կազմը՝ փիրուզագույն թավշյա կտոր, միջուկը՝ ստվարաթուղթ, աստառը՝ կապույտ կտոր, լուսանցակողերը՝ կարմիր թանաքով: Գիրքն ունի վնասված հատվածներ. տպագրի անվանաթերթը և որոշ թերթեր՝ 1-64, 105-112, 367-398, 401-426 բացակայում են: Թերթ 67, 147-148-ի ստորին եզրը՝ երկայնակի պատռված-հանված, 104-րդ թերթի ստորին եզրը՝ պատռված-ընկած: Թերթերին կան զանազան կեղտաբծեր, յուղի,

² Նշված տպագիր նյութերը Վարդաձոր գյուղում հայտնաբերված միակ օրինակները չեն: Կան այլ անուններ ևս, սակայն սույն հավաքածուն թվաքանակով ամենամեծն է գյուղում: Երախտագիտությունս եմ հայտնում Մանուկյան ընտանիքին, մասնավորապես՝ Ազատ և Մարինե Մանուկյաններին՝ հավաքածուի ուսումնասիրությունը ինձ վստահելու համար: Առանձնահատուկ շնորհակալություն արաբագետ, թարգմանիչ, մատենագետ Միհրան Մինասյանին՝ աշխատանքի վերաբերյալ առաջարկների համար:

³ Ցանկը տե՛ս հոդվածի սկզբում:

⁴ Հողվածում ներառված բոլոր տպագիր գրքերի նյութը թուղթն է, գիրը՝ բոլորգիրը:

խոնավության, մոմի, այրվածքի հետքեր, լուսանցակողերի կարմիրը մասամբ սևացած է: Որոշ թերթեր գործածության հետևանքով, եզրերում և ստորին անկյունում մաշված-պատռված են, որոշները հիմքում և եզրերում նորոգված են սպիտակ թղթով: Չնայած վերը թվարկված փոփոխությունների՝ հնատիպի վիճակը գնահատվում է բավարար:

Պարունակում է ամբողջական ժամագիրքը, Դավթի Սաղմոսները և Տոնացույցի երկու մասերը:

Տիտղոսաթերթ Ա.⁵ *[ԳԻՐՔ / ԺԱՄԱԿԱՐԳՈՒԹԵԱՆՑ ՍՐՔՈՅ / Եկեղեցոյս Հայաստանեայց / և Կարգաորոպեան Սաղմոսացն / Դավթի Մարգարէին: Արարեալ սրբոց Թարգմանչաց / և Հայրապետացն մերոց ի փառս / Ամենասրբոյ Երրորդոյթյանն Հօր / եւ Որդոյ և Հոգւոյն Սրբոյ, / Որ է օրհնեալ յաւիտեան. Ամէն]*⁵:

Ժամագիրքը տպագրական զարդամոտիվներով է: Ա. տիտղոսաթերթն ամբողջությամբ խորանի մեջ է, Բ. տիտղոսաթերթը զարդափակ է: Քառածալ, մամուլանիշերը՝ հայատառ: Տպագիրն ունի գլխազարդեր, վերջնազարդեր, կիսախորաններ, լուսանցանիշեր, լուսանցազարդեր և զարդագրեր՝ մարդագիր, թռչնագիր, թռչուն-ձուկ տասը փորագիր պատկեր: Այսօր տպագրից օրինակներ կան մի շարք կենտրոններում՝ Հայաստանի ազգային գրադարանում, Հայաստանի պատմության թանգարանում, Երևանի պետական համալսարանի գրադարանում, Մայր Աթոռ Ս. Էջմիածնում և այլուր (ՈՍԿԱՆՅԱՆ 1988, 571-573):

2. Պարմութին Աստուածաշունչ գրոց Հին և Նոր կտակարանաց: Տպագրվել է Հովհաննես Զոհրապյանի (ՍՏԵՓԱՆՅԱՆ

⁵ Մնացյալ՝ Բ., Գ., Դ. տիտղոսաթերթերի նկարագրությունները տե՛ս ԳՐԻ-ԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 64-66; ՈՍԿԱՆՅԱՆ 1988, 571: Այն տպագրերը, որոնք չունեն անվանաթերթ, վերականգնված են Հայաստանի ազգային գրադարանում պահվող օրինակներից: Տե՛ս գրադարանի կայքէջ՝ <https://www.nla.am/>:

1973, 332; ՏԷՐ-ՎԱՐԴԱՆԵԱՆ 2022, 67-90) աշխատասիրությամբ, Վենետիկում, Ս. Ղազարի տպարանում, 1805 թ.: Սույն օրինակը բաղկացած է 527 էջից, կազմը՝ 18x10 սմ, շարվածքը՝ 15,2x7,9 սմ, գրությունը՝ միասյուն, գիրը՝ բոլորգիր, ունի նաև հիշագրեր, տողերի քանակը միջինում՝ 27-34: Կազմը մուգ կապույտ թավշյա կտոր է, միջուկը՝ ստվարաթուղթ, աստառի Ա. փեղկը՝ շագանակագույն ծաղկած թուղթ: Տիտղոսաթերթը, Բ. փեղկի աստառը պոկված-ընկած են: Ունի բացակա էջեր սկզբից՝ 1-22, 31-3: Ա. փեղկի վերին հիմքը՝ պոկված: Լուսանցակողերը սևացած են: Էջեր՝ 23-30-ը հետագա նորոգման արդյունքում փակցված են էջ 524-ից հետո: Չնայած եղած որոշակի փոփոխություններին՝ տպագրի վիճակ կարելի է գնահատել բավարար:

Տիտղոսաթերթ՝ *[ՊԱՏՄՈՒԹԻՒՆ / ԱՍՏՈՒԱԾԱՇՈՒՆՉ ԳՐՈՅ / ՀԻՆ և ՆՈՐ ԿՏԱԿԱՐԱՆԱՅ: Համառօտեալ դիրքիմաց ոճով ի լեզու աշխարհաբառ՝ յուսումն պարզամտաց և համբակաց: / Ի Հ. Յովհաննէս Վարդապետէ Զօհրապեան Կոստանդնուպօլսեցոյ: / Երկրորդ տպագրութիւն՝ նորոգ ուղղագրութեամբ և յաւելուածովք ինչ նորին հեղինակի յարմարեալ: / Հրամանաւ Տեառն Տեառն Ստեփաննոսի վարդապետի Ագոնց, Արք/եպիսկոպոսի և Արքայի միաբանութեան մեծին Մխիթարայ Արքահօր: / Յամին 1805. Եւ ի թուականութեանս / Հայոց ՌԽԾԴ. (1805) / Ի Վենէտիկ, / Ի Վանս սրբոյն Ղազարու /]:*

Տիտղոսաթերթը՝ առնված բուսական եզրագոտու մեջ: Գիրքը զարդամոտիվներով է: Ունի երկու փորագիր պատկեր, բուսական գլխազարդեր և վերջնազարդեր, զարդագրեր՝ հանգուցազրեր: Օրինակներ ունեն Հայաստանի ազգային գրադարանը, Զմմառի վանքը, Մատենադարանը (ԴԱՎԹՅԱՆ 1967, 21):

3. Նոր Կտակարան սրբոյ Աւերարանի Տեառն մերոյ Յիսուսի Քրիստոսի: Տպագրվել է 1814 թ. Ս. Պետերբուրգում, Հովսեփ Հովհաննիսյանի տպարանում (ԲԱՐԱՅԱՆ 1963, 96-97): Էջերի քանակը՝ 544, 2, կազմը՝ 20x12,5 սմ, շարվածքը՝ 16,3x9,5 սմ, գրությունը՝ միասյուն, գիրը՝ բոլորգիր, օգտագործված են գլխագրեր: Տողերի քանակը՝ միջինում 25-39: Էջ 438՝ սև մատիտով նշում՝ «Չալիպեկ, Իրան Հաջադով, Կարս Կարապետ»: Կազմը՝ մուգ շագանակագույն կաշի: Կազմից պահպանված է միայն մեջքի հատվածը, որը հիմքից գրեթե անջատված է, ինչի հետևանքով կարերը թուլացած և իրարից առանձնացված են: Սկզբից և վերջից թերի է: Աստառը, միջուկը՝ բացակա, ունի պակաս էջեր՝ 1-108, 529-544, էջ 109-110՝ հիմքից պոկված: Թերթերին նշմարվում են խոնավության հետքեր, մասամբ՝ կեղտաբծեր: Տպագիր գրքի ընդհանուր վիճակը՝ վատ, ենթակա է նորոգման:

Տիտղոսաթերթ՝ ՆՈՐ ԿՏԱԿԱՐԱՆ / ՄՐԲՈՅ / ԱԻԵՏԱՐԱՆԻ / ՏԵԱՌՆ ՄԵՐՈՅ / ՅԻՍՈՒՍԻ ՔՐԻՍՏՈՍԻ / Ի Հայրապետութեան] Ս[ր]բ[ոյ] Աթոռոյն Միաձնախցի Տեառն / ԵՓՐԵՄԱՅ Սրբազնասուրբ Կաթողիկոսի / ամենայն Հայոց: / Եւ յԱռաջնորդութեան Հայոցն Ռուսաստանու Տեառն / Յօհաննու Առաքելաշաւիղ Արք Եպիսկոպոսի: / Տպագրեալ ջանիւք և արդեամբք ի միաբանութենէ / Ժողովոյն Ա[ստրուա]ծաշնչի, որ ի Սանկտպետերբուրգ: / Ամենօգոստափառ, Կայսերական, Բարձրագոյն / Հրամանաւ հաստատեալ Տպարանի, որ ի / Գահոյանիստն / ՍԱՆԿՏՊԵՏՐԲՈՒՐԳ. / Յովսեփայ Ս. Յօհաննիսեանի Յաժդերխանցոյ: / Յամի Տեառն 1814, / Իսկ ըստ Հայոց ՌՄ ԿԴ: /

Գրքից օրինակներ են պահպանվում Հայաստանի ազգային գրադարանում, Մատենադարանում, Մայր Աթոռ Ս. Էջմիածնում և այլուր (ԴԱՎԹՅԱՆ 1967, 58):

4. Քննություն խնդրոց: Տպագրի հեղինակն է Հովսեփ Սաղմկեցին: 231 (20 չի. էջ) էջ կազմող գիրքը տպագրվել է 1846 թ. Կ. Պոլսում՝ Օրթոգյուղում, տպագրիչ Պողոս Արապյանի տպարանում (ՍՏԵՓԱՆՅԱՆ 1973, 141; ԿՈՐԿՈՏՅԱՆ 1964, 80-87): Կազմը՝ 22,7x14,5 սմ, շարվածքը՝ 18,5x11,5 սմ, գրությունը՝ միասյուն, տողերի քանակը՝ 36-37 (նաև՝ 22, 28, 30, 31): Կազմը՝ շագանակագույն կաշի, մեջքը՝ կարմիր հենքով ծաղկազարդ մետաքս: Միջուկը ստվարաթղթից է, աստառը՝ թղթից: Տպագիրը գործածությունից մաշված է: Միջուկը՝ շերտազատված և կազմից առանձնացած: Ա. փեղկի աստառը, Բ. փեղկի վերին հատվածը՝ բացակա: Լուսանցակողերը՝ մասամբ սևացած: Թերթեզերքը՝ աննշան պատռվածքներով: Թերթերին նկատելի են կեղտաբծեր, խոնավության հետքեր: Բնագիրը սկզբից և վերջից պակասավոր է՝ թ. 1-18, 211-231 և այլն: Ընդհանուր վիճակը՝ բավարար:

Տիտղոսաթերթ՝ ՔՆՆՈՒԹԻՒՆ ԽՆԴՐՈ / ՅՕՐԻՆԵԱԼ ԱՇԽԱՏԱՍԻՐՈՒԹԵԱՄԲ ՏԻՐԱՅՈՒ ՅՈՎՍԷՓ ԲԱՐԵՋԱՆ / ՎԱՐԺԱՊԵՏԻ ՍԱՂՄԿՈՅ ԵՒ ՍՐԲԱԳՐՈՒԹԵԱՄԲ ՏԷՐ ԳԷՈՐԳ ՔԱՀԱ-ՆԱՅԻ ՄԱՅՐ ԵԿԵՂԵՅԻՈՅՆ Ս. ԱՍՏՈՒԱԾԱԾՆԻ / Ի ՀԱՅՐԱՊԵՏՈՒԹԵԱՆ ՍՐԲՈՅ ԷՋՄԻԱԾՆԻ ԱՍՏՈՒԱԾԱՐԵԱԼ Տ[ԷՐ] Տ[ԷՐ] ՆԵՐՍԷՍԻ ՍՐԲԱԶՆԱ/ԿԱՏԱՐ ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՑ: / ՀՐԱՄԱՆԱԻ ԱՄԵՆԱՊԱՏԻԻ ԵՒ ՎԵՀԱՓԱՌ ՊԱՏՐԻԱՐՔԻ ԿՈՍՏԱՆԴՆՈՒՑՊԼՍԻ Տ[ԷՐ] ՄԱՏ/ԹԷՈՍԻ ՍՐԲԱԶԱՆ ԱՐՔԵՊԻՍԿՈՊՈՍԻ / Արդեամբք գերամեծար Փիշմիշեան քեռորդի բարեսէր մահտեսի Յովհաննէս աղայի Ան/յրօնեան, որ յԱկնայ գեղջէն Ապուլջէխու: / Ի ՏԻՊ ԱՐՁԱՆԱՅԵԱԼ 1846 ՅՕՐԹԱԳԻՒՂ / Ի ՏՊԱՐԱՆԻ ՊՕՂՈՍԻ ԱՐԱՊԵԱՆ ԱՊՈՒԶԵԽՅԻՈՅ]:

Նշված տպագրից օրինակներ առկա են Հայաստանի ազգային գրադարանում, Մատենադարանում, Ե. Չարենցի անվան գրականության ու արվեստի թանգարանում (ԴԱՎԹՅԱՆ 1967, 339):

5. Ժամագիրք: Գրքի տպագրության վայրն է Շուշի քաղաքը (Արցախի Հանրապետություն): Տպագրիչ Մինաս Տարղլիճյանցի ջանքերով՝ իր իսկ անվան տպարանում հրատարակված ժամագրքերի շարքին է դասվում: Տպագրության տարեթիվը՝ 1854 թ.: Շուրջ 523 էջից բաղկացած միավոր է: Կազմը՝ 16,2x9,5 սմ, շարվածքը՝ 12-13,5x7,5 սմ, գրությունը՝ միասյուն, տողերի քանակը միջինում՝ 18-25: Կազմը՝ դրոշմազարդ մուգ կապույտ թավիշ, միջուկը՝ ստվարաթուղթ: Աստառը՝ պատռված-ընկած, ներկայումս՝ տոսնձված էջով: Լուսանցակողերը՝ գործածությունից սևացած: Որոշ թերթերին առկա են կեղտաբծեր, յուղի, խոնավության հետքեր: Թ. 30-60 վերին և արտաքին եզրը պատռված-ընկած է, սկզբում և վերջում կան բացակա թերթեր՝ 1-29, 46-523: Այդուհանդերձ, տպագրի վիճակ գնահատվում է բավարար:

Տիտղոսաթերթ՝ ԺԱՄԱԳԻՐՔ / ՀԱՅԱՍՏԱՆԵԱՅՑ ՍՈՒՐԲ ԵԿԵՂԵՑ/ԻՈՅ: / ՏՊԱԳՐԵԱԼ / Ի Հայրապետութեան Տեառն և Տեառն Ե. / ՆԵՐՍԻՍԻ Աստվածապատիւ Կաթողիկոսի Ամենայն Հայոց և Ասպետի զանազան Նշանաց / Ա[ստուա]ծահաստատ ԿԱՅՍԵՐՈՒԹԵԱՆ ՌՈՒՍԱՑ: / Հրամանաւ Ա[ստուա]ծարեալ Առաքելաշաւիղ / Բարձր Սրբազան Արքեպիսկոպոսի Վիճա-/կաւոր Առաջնորդի և Մետրապօլիտի Հայոց / Ղարաբաղու և այլոց, Տեառն Բաղասարայ / Իշխանագնէի Հասան Զոլալեանց, և Աս-/պետի ԿԱՅՍԵՐՈՒԹԵԱՆ ՌՈՒՍԱՑ: / Արդեամբք և ծախիք Պարոն Մ. Յ. Պապեանց: / Ի Տպարանի Մինասի Մ. Տարղլիճեանց / 1854, Ի ՇՈՒՇԻ ՌՄԳ.: /

Տպագիր գիրքը զարդամոտիվներով է, որն ունի բուսական և զարդանախշ գլխազարդեր, գլխագիր, վերջնազարդեր: Տպագրից

մեզ հայտնի միակ օրինակը գտնվում է Ե. Չարենցի անվան գրականության և արվեստի թանգարանում (ՈՍԿԱՆՅԱՆ, ՍԱՎԱԼՅԱՆ, ՍՈՂՈՄՈՆՅԱՆ, ԳՅՈՒԼՈՒՄՅԱՆ, ՍԱՀԱԿՅԱՆ, ԹԱԴԵՎՈՍՅԱՆ 1999, 23):

6. Ժամագիրք: Տիտղոսաթերթի բացակայության պատճառով հնարավոր չեղավ պարզել գրքի տպագրության տարեթիվն ու վայրը: Տպագրում առկա պատկերներից և գլխագարդերից ենթադրում ենք, որ այն հարում է Երուսաղեմում կամ Կոստանդնուպոլսում 1850-1870-ական թվականներին տպագրված գրքերի շարքին: Ներկայում էջերի քանակը 342 է (ավելին է եղել): Էջերը 16,8x11 սմ մեծության են, գրության միասյուն շարվածքով՝ 13-13,5x8,8 սմ: Տողերի քանակը՝ 20-29: Գիրքը՝ շագանակագույն ստվարաթղթյա կազմով, մեջքը՝ գծավոր մոխրագույն կտոր, Բ. կազմաստաղին փակցված սպիտակ թղթին՝ մանուշակագույն թանաքով՝ «Քրիստոնական վարդապետութիւն» գրվածքը: Տպագրի բովանդակության մեջ առկա են փորագիր պատկերներ և բուսական գլխագարդեր: Կնքադրոշմ՝ էջ 321՝ սև թանաքով շրջանակ: Կազմը՝ մաշված-ճաքճաք, մատիտի, թանաքի հետքեր: Կազմը՝ մեջքից թուլացած, որի հետևանքով թերթերի որոշ հատվածներ հիմքից անջատված են: Կազմաստաղը և միջուկը բացակայում են: Լուսանցակողերը՝ սևացած: Էջերին կան զանազան բծեր, կեղտաբծեր, խոնավության, մոմի, մատիտի հետքեր: Միավորը թե՛ սկզբում, թե՛ մեջտեղում, թե՛ վերջում ունի թափված հատվածներ, պահպանված է՝ 211-342 էջերը: Այն բավականին վնասված է և ենթակա է նորոգման:

7. Շարականոց: Գրքի տպագրության տարեթիվը՝ 1861 թ.: Տպագրության վայրը՝ Վաղարշապատ: Այն Ս. Էջմիածնի տպարանից (ԲԱԲԱՅԱՆ 1963, 111; ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 109) լույս տեսած ժամագրքերից մեկն է: Էջաքանակը՝ 784, էջերի մեծությունը՝ 21x14 սմ, գրության միասյուն շարվածքով՝

16x7 սմ: Տողերի քանակը՝ 22-23: Կազմը՝ մուգ շագանակագույն կաշի, միջուկը՝ ստվարաթուղթ, աստառը՝ տպված թուղթ, պահպանակ՝ Ա.՝ տպված թուղթ:

Տիտղոսաթերթ՝ *[ՇԱՐԱԿԱՆ / ՀՈԳԵԻՈՐ ԵՐԳՈՅ / ՍՈՒՐԲ ԵՒ ՈՒՂՂԱՓԱՌ / ԵԿԵՂԵՑԻՈՅՍ / ՀԱՅԱՍՏԱՆԵԱՅՅ / ՅՕՐԻՆԵԱԼ / Ի ՍՐԲՈՅ ԹԱՐԳՄԱՆՉԱՅՆ ՄԵՐՈՅ ԵՒ Ի ՍՐԲՈՅ / ՇՆՈՐՀԱԼ-ԻՈՅՆ ԵՒ ՅԱՅԱԼՈՅ ՍՈՒՐԲ ՀԱՐՅ ԵՒ / ՎԱՐԴԱՊԵՏԱՅ: / Ի ՀԱՅ-ՐԱՊԵՏՈՒԹԵԱՆ Տ. / ՄԱՏԹԷՈՍԻ ԱԶԳԱՍԷՐ / ԵՒ ԱՍՏՎԱԾԸՆՏԻՐ ԿԱ-/ԹՈՒՂԻԿՈՍԻ ԱՍԵՆԱՅՆ / ՀԱՅՈՅ / ԵՒ / ԱՄՊԵՏԻ ՏԷՐՈՒ-ԹԵԱՆՅ / Ի Ս. ԷԶՄԻԱԾԻՆ / ՌՅԺ-1861]:*

Վիճակը գնահատվում է բավարար: Կազմը՝ մաշված: Կազմաստառը մաշված-կեղտոտված է: Լուսանցակողերի կարմիր ներկանյութը մասամբ գունաթափ է, սևացած: Թերթին կան կեղտաբծեր, խոնավության, թանաքի հետքեր: Էջ 755-784 և Բ. պահպանակը՝ գրված թուղթ: Էջ 3-4, 281-284՝ լրացված տետրակի թղթով և գրված կապույտ թանաքով: Թվայնացված օրինակում կա տպագրական սխալ՝ 56 էջի փոխարեն տպագրված է 55, 291 էջի փոխարեն տպագրված՝ 261-ը, 294 էջի փոխարեն տպագրված՝ 264-ը:

Տպագիր գիրքն ունի զարդագրեր՝ գլխագրեր, երեք փորագիր պատկեր, բուսական գլխազարդեր, միջնազարդեր և վերջնազարդեր: Էջ 101, 246, 484՝ կնքադրոշմ՝ սև թանաքով շրջանակ, որի մեջ եկեղեցու պատկեր, եզրագոտում՝ հայատառ և լատինատառ գրություն՝ «*Եկեղ/// ///ին /// ԴԵՕՐԴԱ ///*»: Հետագա հիշատակարան՝ պահպանակ Բա⁶ «*Մարքարով*», «*Տալ Կարապետաց, հրաշափառ Աստված, 421 համար*», պահպանակ Բբ (հակառակ դիրքով)՝ «*Մար-*

⁶ Բոլոր հետագա հիշատակարանները շղագրով են: Աշխատանքում ներկայացված են միայն կարևոր տեղեկություններ պարունակող հիշատակարանները, որոնք գրված են կապույտ, սև, մանուշակագույն թանաքով և սև մատիտով:

քարին, ///արքօն, Մարքար, Վարդան», էջ 124՝ «184/// ամի Ավետիս Զուբարով մուրսն (՝)», էջ 159՝ «Ես գրեցի Մըկըդորիչ Մագակով անարժան ձեռով», էջ 209՝ «1799 ամի 10ն փետրվարին Հարութենի որդի Հօրբէլ մորեն եղավ», էջ 229՝ «1884 ամի, ես՝ Ալեքսան Մէլքաով, փետրվարի 1ն կես իմ փառօ տաւ Մարտին», էջ 239՝ «1886 ամի 19 օր նօյեմբերի Հարօյի որդի Մարտիրօս մօրից եղավ: Աստված բարի վայելում տաճէ. ամէն», էջ 257՝ «1881 ամի Իէ. (27) դեկտեմբերի եղաւ Գրիգորի որդի Սէրգոն մօրից եղաւ», էջ 279՝ «1884 ամի, ի 10 յուլիսին Կարապետ Հօվէօվի որդի Մընացական մօրից եղավ: Աստված բարի վայելում տաճէ. ամէն: 1884 ամի ի 10 յուլիսին [Մ]իրդաթ Մարգարովի որդի Սըհակ մօրից եղիվ: Աստված բարի վայելում տաճէ. ամէն», էջ 282՝ «1884 ամի մայիսի 10-ին յաթան /// հասարակության գլխաւոր [տ]անուտէր ընտրեց Հայրապետ Մելիք Բարսեղով», էջ 290՝ «183 (կտրված) տէր էր Բոյոյի, որ թե Մայրամ մօրից եղավ: Աստված բարի վայելում տաճէ», էջ 414՝ «1882 ամի 4 օրն փետրվարի, տէր Գրիգորի որդի՝ Սըմբաթ մօրից եղեւ: Աստված բարի աչողութիւն տաճէ. ամէն», էջ 418՝ «1892 ամի 1 օրն յունվարին ձեռնադրին Ներքին Ղարանլուղի Գրիգորին չորրորդ աստիճանի համար: Աստուած բար աղորութիւն տաճէ», էջ 441՝ «Այս Շարական ևս պատկանում է տէր Եղաիազար Եղաք: Առայ ի 1890 թվականին Նօրգ Ռազան Թազան///», էջ 450՝ «1891 ամի 15 օրը մայիսին եղաւ, Գէորգի որդի Համբարձում մօրից եղաւ: Ուրախ ժամ Աստուած», էջ 520՝ «1884 ամի 22 օրն փետրվարի, տէր Գրիգորի որդի Արշակ մօրից եղեւ»: էջ 526՝ հակառակ դիրքով՝ «Պետրոս, Ավի/// Կարապետ ///»: էջ 529՝ «1890 ամի է օր /// Հայրապետ/// Խանօվի որդի Մարտիրօս մօրից եղավ: Աստված բարի վայելում տաճէ. ամէն»: էջ 554՝ «Ես՝ Մնացակալն] Գրիգորով»: էջ 567՝ «1923թ. յուլիսի 6-ին Արզմանի որդի Գարասիմ մորից եղավ: Աստված իրեն

բարի բախտը և վայելչություն տալ, լինի ամենախելոք և կրթված, ամենայն նեղություններից և փորձանքներից ազատ մնա»։ Էջ 582՝ «1883 ամի 1 յովնիսի, Մըկրտիչ ըսկայի աս (՞)»։ Էջ 648՝ «Ա. (1) օր նօյեմբերին 1880 ամի Գէօրք Բարսեղօվի որդի Այրմենայկ մօրից եղավ։ Աստված բարի վայելում տաճէ. ամէն»։ Էջ 658՝ «1872 ամի 23 օրն մայիսի, ի Ներքին Ղարանլուղայ գիւղոյ բնակեր Գրիգ[որ]»։

Սույն տպագրությունից օրինակներ պահպանվում են Հայաստանի ազգային գրադարանում, Մատենադարանում, ՀՀ ԳԱԱ Հիմնարար գիտական գրադարանում, Ե. Չարենցի անվան գրականության ու արվեստի թանգարանում և այլուր (ՈՍԿԱՆՅԱՆ, ՍԱՎԱԼՅԱՆ, ՍՈՂՈՄՈՆՅԱՆ, ԳՅՈՒԼՈՒՄՅԱՆ, ՍԱՀԱԿՅԱՆ, ԹԱԴԵՎՈՍՅԱՆ 1999, 80)։

8. Ժամագիրք Արենի. «Ժամակարգություն Հայաստանեայց սուրբ եկեղեցւոյ»։ Սույն տպագիր միավորը Էջմիածնի (Վաղարշապատ) «Ա. Էջմիածին» տպարանում տպագրված Մայր Ժամագրքերից է (ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 109-110)։ Տպագրվել է 1862 թ.։ Պարունակում է երեք գիրք, ըստ այդմ ունի երեք էջակալություն՝ 92, 143, 178։ Կազմը՝ 35x22,5 սմ, շարվածքը՝ 26x16,7 սմ, գրությունը՝ երկայուն, տողերի քանակը՝ 43-45։ Ունի մուգ շագանակագույն կաշի, Ա. փեղկին սոսնձված սպիտակ թուղթ՝ «Սաղմոս» գրությամբ։ Միջուկը՝ ստվարաթուղթ, աստառը՝ բաց կանաչ թուղթ։ Կազմը՝ մաշված-պատռված։ Մեջքը՝ թուլացած, որի հետևանքով մի քանի թերթեր հիմքում պոկված են։ Կազմաստառը մաշված-կեղտոտված է։ Լուսանցակողերը սևացած են և եզրերում ունեն մաշվածությունից առաջացած մանր պատռվածքներ։ Թերթերին առկա են կեղտաբծեր, խոնավության, մոմի հետքեր, որոշ թերթեր հիմքում և եզրերում նորոգված են սպիտակ թղթով։ Սկզբից, մեջտեղից և վերջից կան պակասավոր էջեր։ Գրերեւ ամբողջական պահպանված է միայն առաջին գլխի՝ «Ժամակարգություն...»

մասը, մնացյալ գլուխներից առկա են միայն որոշ թերթեր: Այն պարունակում է երեք գիրք, համապատասխանաբար երեք տիտղոսաթերթեր:

Տիտղոսաթերթ Ա՝ *[ԺԱՄԱԿԱՐԳՈՒԹԻՒՆ / ՀԱՅԱՍՏԱՆԵԱՅՑ ՍՈՒՐԲ ԵԿԵՂԵՅԻՈՅ / ՅՈՐՈՒՄ ՊԱՐՈՒՆԱԿԻՆ ԵՐԵՔ ԳԻՐՔ / ՍԱՂՄՈՍ ԴԱԻԹԻ / ՈՐ Է ԱՂՈԹՔ ԵՒ ՕՐՀՆՈՒԹԻՒՆ ԱՌԱՍՏՈՒԱԾ / ԵՒ ՄԱՐԳԱՐԷՈՒԹԻՒՆ ՎԱՍՆ ՄԱՐԴԵՂՈՒԹԵԱՆՆ ՔՐԻՍՏՈՍԻ / ԱՏԵՆԻ ԺԱՄԱԳԻՐՔ, / ՈՐ Է ՄԱՏԵԱՆ ՀԱՍԱՐԱԿԱՅ ԱՂՈԹԻՅ / ԵՒ ՊԱՇՏԱՄԱՆ / ՏՕՆԱՅՈՅՑ, / ՈՐ Է ՑՈՒՑԱԿ ՏՕՆԻՅ ԵՒ ԸՆԹԵՐՑՈՒԱԾՈՅ / ԸՍՏ ՆՈՐՈԳ ԲԱՐԵԿԱՐԳՈՒԹԵԱՆ ՍՐԲՈՅ ԱԹՈՒՈՅՆ ԷՋՄԻԱԾՆԻ / Ի Ս. ԷՋՄԻԱԾԻՆ / 1862=ՌՅԺԱ. / 7՝:*

Թեև գրքի ընդհանուր տիտղոսաթերթում հիշատակվում են նրա մեջ մտնող երեք մասերն էլ, սակայն, սաղմոսներից հետո եկող Ատենի Ժամագրքի և Տոնացույցի երկու հատորներն իրենց հերթին ունեն առանձին տիտղոսաթերթեր՝ զարդանկարներով: Առկա են էջախորագրեր, գլխագրեր, մեկ փորագիր պատկեր, բուսական գլխազարդեր, բաժանազարդեր և վերջնազարդեր: Վերոբերյալ գրքից օրինակներ առկա են Հայաստանի ազգային գրադարանում, Մատենադարանում, Հայաստանի պատմության թանգարանում (ՈՍԿԱՆՅԱՆ, ՍԱՎԱԼՅԱՆ, ՍՈՂՈՄՈՆՅԱՆ, ԳՅՈՒԼՈՒՄՅԱՆ, ՍԱՀԱԿՅԱՆ, ԹԱԴԵՎՈՍՅԱՆ 1999, 86):

9. Խորհրդապետը: Տպագրության վայրը՝ Վաղարշապատ, տպարանը՝ «Ս. Էջմիածնի», տպագրության տարեթիվը՝ 1880 թ. (ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 190-191): Կազմը՝ 34,5x26 սմ, շարվածքը՝ 30x20,5 սմ, գրությունը՝ երկայուն, էջերի քանակը՝ 22 (Բ) զարդափակ էջ, տողերի քանակը՝ միջինում

⁷ Մնացյալ՝ Բ., Գ., Դ. տիտղոսաթերթերի նկարագրությունը տե՛ս ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 109-110:

36-47: Կազմը՝ դրոշմագարդ բաց մանուշակագույն մոմլաթ, միջուկը՝ ստվարաթուղթ, աստառը՝ սպիտակ թուղթ: Գրքի ընդհանուր վիճակը գնահատվում է բավարար: Կազմը՝ մաշված-կեղտոտված, խոնավությունից փոքր-ինչ գունափոխված: Կազմաստառը՝ մասամբ մաշված, տեղ-տեղ կեղտոտված: Թերթերի որոշ մասերում՝ կեղտաբծեր, ստորին աջ անկյուններում՝ մատնահետքեր:

Տիտղոսաթերթ՝ *ԽՈՐՀՐԴԱՏԵՏՐ / ՍՐԲՈՅ ՊԱՏԱՐԱԳԻ / ԸՍՏ ԾԻՍԻ / ԱՌԱՔԵԼԱԿԱՆ ՍՈՒՐԲ ԵԿԵՂԵՅՈՒՅ / ՀԱՅԱՍՏԱՆԵԱՅՑ: / ԵՐՐՈՐԴ ՏՊԱԳՐՈՒԹԻՒՆ / Ի ՏՊԱՐԱՆԻ ՍՐԲՈՅ ԿԱԹՈՂԻԿԷ ԷԶՄԻԱԾՆԻ, / Ի ՎԱՂԱՐՇԱՊԱՏ / , 1880-ՈՅԻԹ: /*

Տիտղոսաթերթը, բովանդակության երկայուն շարվածքը՝ զարդափակ ուղղանկյան մեջ: Տպագիր գիրքն ունի նաև էջախորագրեր և վերջնագարդեր: Նշված տպագրություններից օրինակներ առկա են Հայաստանի ազգային գրադարանում, Մատենադարանում, ՀՀ ԳԱԱ Հիմնարար գիտական գրադարանում, Երևանի պետական համալսարանում, Մայր Աթոռ Սուրբ Էջմիածնում (ՈՍԿԱՆՅԱՆ, ՍԱՎԱԼՅԱՆ, ՍՈՂՈՄՈՆՅԱՆ, ԳՅՈՒԼՈՒՄՅԱՆ, ՍԱՀԱԿՅԱՆ, ԹԱԴԵՎՈՍՅԱՆ 1999, 277):

10. Տարեցոյց՝ Տիտղոսաթերթի բացակայության պատճառով հնարավոր չէր իրականացնել ամբողջական մատենագիտական նկարագրություն: Տպագրության տարեթիվը, հավանաբար, 1884 կամ 1885 թթ.: Անհայտ են տպագրության վայրը, տպարանը, տպագրիչը: Թերթերը ներկայումս՝ 254, (ավելին է եղել): Կազմը՝ թղթյա, 19x12 սմ, շարվածքը՝ 16,5x10,8 սմ, գրությունը՝ միասյուն: Լուսանցակոդերը՝ սևացած: Թերթերը սկզբում, մեջտեղում և վերջում բացակա են, առկա էջերն են՝ 3-254: Տպագիրը ենթակա է նորոգման:

11. Քարոզ՝ Տիտղոսաթերթի բացակայության պատճառով սույն գրքի մատենագիտական նկարագրությունն ամբողջացնել ևս

հնարավոր չէր: Տպագրության վայրը և տպարանն անհայտ են: Տպագրության տարեթիվը՝ 1900-ական թվականներ: Էջերը՝ 136 և ավել, մեծությունը՝ 16x10 սմ, շարվածքը՝ 12x6,5 սմ, գրությունը՝ միասյուն: Վիճակը՝ բավարար: Կազմը, կազմաստառը՝ բացակա: Թերթերին խոնավության, մոմի հետքեր, տեղ-տեղ կեղտաբծեր: Տիտղոսաթերթը, էջ 1-44, 136-ից հետո կան բացակա թերթեր:

12. Ժամագիրք: Տպագրության վայրը՝ Վաղարշապատ, տպարանը՝ «Մայր Աթոռ Սուրբ Էջմիածին»: Տպագրության տարեթիվը՝ 1903 թ. (ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021, 190-359): Կազմված է 971 զարդափակ էջից: Կազմը՝ 12x8,3 սմ, շարվածքը՝ 9,7x6 սմ, գրությունը՝ միասյուն, տողերի քանակը՝ 12-21: Կազմը՝ դրոշմազարդ մանուշակագույն մոմլաթ, մեջքը՝ սև մետաքս, միջուկը՝ ստվարաթուղթ, աստառը՝ սպիտակ գրված թուղթ, լուսանցակողերը՝ կարմիր, պահպանակ Ա-Բ.՝ գրված թուղթ:

Տիտղոսաթերթ՝ *ԺԱՄԱԳԻՐԲ / ՀԱՅԱՍՏԱՆԵԱՅՑ / Ս. ԵԿԵՂԵՑԻՈՅ: / ՎԱՂԱՐՇԱՊԱՏ, / Տպարան Մայր Աթոռոյ Ս. Էջմիածնի / 1903: /*

Ունի հետագա հիշատակարան՝ (20-րդ դար, շղագիր) Ա. կազմաստառին մանուշակագույն թանաքով՝ «Հանուն Յովհաննէսին, Յառաքել, Մարգարէյին, Կարապետին, Մկրտիչին, Ավետիսին, Մարգիրոսին», «Եօթ մահացու մեղկն, որ գործեալ եմ, մեղուցեալ եմ, մեղայ Աստուծոյ»: Տիտղոսաթերթին՝ մատիտով, մանուշակագույն թանաքով՝ «Սուրբ Կարապետի տոնի Յառաքելին, Յովհաննէսին, Մարկարէյին, Հայրապետին, Կարապետին, Մկրտչին, Մարտիրոսին, Ավետիսն»:

Տիտղոսաթերթը և էջերը զարդափակ են: Ունի չորս փորագիր պատկեր և երկու վերջնազարդ, մեկ կնքադրոշմ՝ Բ կազմաստառին սև բոլորակ՝ «Հայ-Թազար /// APM. ЦЕРК. СВ. ГЕОРГИ ///»: Գրքի

վիճակը՝ բավարար: Կազմաստառը՝ մասամբ մաշված, հիմքը՝ թուլացած: Թերթերին՝ տեղ-տեղ կեղտաբծեր, խոնավության, թանաքի, մատիտի հետքեր: Էջ 961-962, 963-964՝ հիմքից, 705-706՝ վերին հիմքից՝ անջատ:

Տպագիր գրքի օրինակներ կան Հայաստանի ազգային գրադարանում, Մատենադարանում, Հայաստանի պատմության թանգարանում, Մայր Աթոռ Սուրբ Էջմիածնում (ԳՅՈՒԼՈՒՄՅԱՆ և ուրիշն. 2007, 64):

13. Սյրեփաննոս Օրբելեան. Պարմություն Նահանգին Սիսական (ԱԲՐԱՀԱՄՅԱՆ 1942, 3): Տպագրության վայրը՝ Թիֆլիս: Նվարդ Աղանյանցի տպարանում տպագրված գրքերից է: Տպագրության տարեթիվը՝ 1910 թ., էջերի քանակը՝ 618, մեծությունը՝ 19,2x12,2 սմ, շարվածքը՝ 14x9 սմ, գրությունը՝ միասյուն: Գիրը՝ բոլորգիր, տողերի քանակը՝ 27: Կազմը՝ բաց շագանակագույն կաշի, մեջքը՝ մոխրագույն կտոր, միջուկը՝ ստվարաթուղթ, աստառը՝ թուղթ (Ա.՝ դեղնավուն, Բ.՝ կապտավուն), պահպանակ՝ Բ (վՋ.)՝ տողագծերով թուղթ:

Տիտղոսաթերթ՝ ՂՈՒԿԱՍՅԱՆ ՄԱՏԵՆԱԴԱՐԱՆ Դ. / ՊԱՏ-ՄՈՒԹԻԻՆ ՆԱՀԱՆԳԻՆ ՍԻՍԱԿԱՆ: / ԱՐԱՐԵԱԼ ՍՏԵՓԱՆՆՈՍԻ ՕՐԲԷԼԵԱՆ ԱՐՔԵՊԻՍԿՈՊՈՍԻ ՍԻՆԵԱՅ / ԹԻՖԼԻՍ / ԵԼԵՔՏՐՈՇԱՐԺ ՏՊ. ՕՐ. Ն. ԱՂԱՆԵԱՆՑԻ. ՊՕԼԻՑ 7, / 1910 /

Տպագիր գիրքը բավարար վիճակում է. կազմը՝ եզրերից մաշված-պատռված, մեջքին՝ ցեցի անցքեր: Ա. փեղկը՝ հիմքում ամրացված սպիտակ թղթով և մանուշակագույն կտորով: Տիտղոսաթերթի արտաքին եզրը՝ պատռված-ընկած, պահպանվել է հիմքից որոշ հատված: Լուսանցակողերը՝ տեղ-տեղ սևացած: Գրքի օրինակներից առկա են Հայաստանի ազգային գրադարանում, Մատենադարանում և այլուր (ԳՅՈՒԼՈՒՄՅԱՆ և ուրիշն. 2007, 321):

14. Օրացոյց: Տպագրվել է Մայր Աթոռ Ս. Էջմիածնի տպարանում, 1960 թ.: Մեծությունը՝ 11,5x8,5 սմ, շարվածքը՝ 9x6 սմ, գրությունը՝ միասյուն, էջերի քանակը՝ 256 (գծափակ), տողերի քանակը միջինում՝ 12-26: Կազմը, միջուկը, աստառը, տիտղոսաթերթը բացակայում են: Լուսանցակողերը՝ ստորին անկյունում մաշված-պատռված, թերթերին՝ կեղտաբծեր, տեղ-տեղ խոնավության հետքեր: Տպագիր գրքի վիճակը գնահատվում է բավարար:

Տիտղոսաթերթ՝ *ՕՐԱՅՈՅՑ 1960 ՆԱՀԱՆՋ ԹՈՒԱԿԱՆԻՆ ՔՐԻՍՏՈՍԻ (ԸՍՏ ՆՈՐ ՏՈՄԱՐԻ) ԵՒ ԲՈՒՆ ԹՈՒԱԿԱՆԻՆ ՀԱՅՈՑ 4452-4453 ԵՒ ՏՈՄԱՐԱԿԱՆ ԹՈՒԱԿԱՆԻՆ ՀԱՅՈՑ ՌԵԹ-ՌԵԺ. = 1409-1410, ՄԱՅՐ ԱԹՈՐ Ս. ԷՋՄԻԱԾԻՆ:*

Պատկերագարդ է, ունի բուսական գլխագարդեր: Տիտղոսաթերթը, շարվածքը կրկնակի եզրագծերի մեջ են առնված: Գրքից օրինակներ կան Մայր Աթոռ Ս. Էջմիածնի գրադարանում և բազում այլ գրադարաններում:

Այսպիսով՝ ուսումնասիրության ենթարկված մասնավոր հավաքածուն հայտնաբերվեց և հետազոտման արժանացավ առաջին անգամ: Խնդրո առարկա տպագիր գրքերի լուսաբանումը հնարավորություն է ընձեռում շրջանառության մեջ դնել հայտնի տպագիր միավորներ, այդպես առատացնելով տպագիր գրականության բազմաբնույթ հավաքածուների շարքը՝ համալրելով դրանք ևս տասնչորս օրինակների բացահայտմամբ:

Օգտագործված գրականության ցանկ (References)

ԱՐԲԱՀԱՄՅԱՆ 1942 – Աբրահամյան, Ա. (1942), *Ժամանակագրություն Սյրեփաննոսի Օրբելեանի*, Երևան, «Մատենադարան» հրատ., 38 [Abrahamyan, A. (1942), *Jamanakagrutyun Stepannosi Orbeliani*, Yerevan, "Matenadaran" pbl., 38];

ԲԱԲԱՅԱՆ 1963 – Բաբայան, Ա. (1963), *Հայ գիրքը և տպագրությունը*, Երևան, Հայպետհրատ, 174. [Babayan, A. (1963), *Hay girqy ev tpagrutyuny*, Yerevan, Armenian State Publishing House, 174];

ԳՅՈՒԼՈՒՄՅԱՆ, ԱԴԱՄՅԱՆ, ԹԱԴԵՎՈՍՅԱՆ և այլք 2007 – Գյուլումյան, Օ. (2007), Ադամյան, Ա., Թադևոսյան, Ս., Սավալյան, Ա., Սողոմոնյան, Մ., Սահակյան, Ա., *Հայ Գիրքը 1901-1920 թվականներին*, հտ. Դ., Երևան, «Գիրք» հրատ., 817, 2 [Gyulumyan, O. (2007), Adamyan, A., Tadevosyan, S., Savalyan, A., Soghomonyan, M., Sahakyan, A., *Hay girqy 1901-1920 tva-kannerin*, vol. D., Yerevan, "Girk" Publishing House, 817, 2];

ԳՐԻԳՈՐՅԱՆ, ՊԵՏՈՅԱՆ, ԳՐԻԳՈՐՅԱՆ և այլք 2021 – Գրիգորյան, Մ., Պետոյան, Ս., Գրիգորյան, Գ., Նազարյան, Գ., Ոսկանյան, Շ., Սուվախչյան, Հ., Գալստյան, Ա. (2021), *Մայր Աթոռ Սուրբ Էջմիածինը՝ հայ գրատպության կենտրոն*. Հրատարակությունների մատենագիտություն 1772-1920, Ս. Էջմիածին, Մայր Աթոռ Սուրբ Էջմիածին հրատ., 743, 1 չի. էջ [Grigoryan, M., Petoyan, S., Grigoryan, G., Nazaryan, G., Voskanyan, Sh., Suvakhchyan, H., Galstyan, A. (2021), *Mother See of Saint Etchmiadzin, center of Armenian printing. Bibliography of publications 1772-1920*, S. Etchmiadzin, Mother See of Saint Etchmiadzin pbl., 743, 1 p];

ԴԱՎԹՅԱՆ 1967 – Դավթյան, Հ. (1967), *Հայ գիրքը 1801-1850 թվականներին, մատենագիտություն*, Երևան, «Ա. Ֆ. Մյասնիկյանի անվան հանրապետական գրադարան» հրատ., 536, 2 [Davtyan, H. (1967), *Armenian book in 1801-1850, bibliography*, Yerevan, "Republican Library after A. F. Myasnikyan" Publishing House, 536, 2];

ԼԵՎՈՆՅԱՆ 1946 – Լևոնյան, Գ. (1946), *Հայ գիրքը և տպագրության արվեստը*, Երևան, ԳԱ հրատ., 255 [Levonyan, G. (1946), *Hay girqy ev tpagrutyan arvesty*, Yerevan, Academy of Sciences, 255];

ԿՈՐԿՈՏՅԱՆ 1964 – Կորկոտյան, Բ. (1964), *Հայ տպագիր գիրքը Կոստանդնուպոլսում (1567-1850 թթ.)*, Երևան, «Ա. Մյասնիկյանի անվան պետական հանրապետական գրադարան» հրատ., 151, 2 [Korkotyan, K. (1964), *Armenian printed book in Constantinople (1567-1850)*, Yerevan, "State Republican Library after Al. Myasnikyan" ed., 151, 2];

ՀԱԿՈԲՅԱՆ, ՄԵԼԻՔ-ԲԱԽՇՅԱՆ, ԲԱՐՍԵՂՅԱՆ 1998 – Հակոբյան, Թ., Մելիք-Բախշյան, Ա., Բարսեղյան, Հ. (1998), Հայաստանի և հարակից շրջանների տեղանունների բառարան, հտ. 4 (Ն-Վ), Երևան, «Երևանի համալսարանի» հրատ., 810 [Hakobyan, T., Melik-Bakhshyan, S., Barseghyan, H. (1998), *Dictionary of toponymy of Armenia and adjacent territories*, vol. 4 (N-V), Yerevan, "Yerevan University" Publishing House, 810];

ՃԻԶՄԷՃԵԱՆ 1957 – Ճիզմեճեան Պ. վարդ. (1957), *Հայերէն աշխարհաբար լեզուի լիակատար բառարան*, հտ. 2, Հալէպ-Սուրիա, «Անի» տպր., 1460 [Chizmedjian P. rose (1957), *Hayeren lezvi liakatar bararan*, vol. second, Aleppo-Syria, "Ani" print., 1460];

ՄՈՒՐԱԴՅԱՆ 2011 – Մուրադյան, Ա., *Երուսաղեմի հայ տպագիր գրքի մատենագիտություն (1833-1996 թթ.)* (2011), Երևան, Հեղինակային հրատ., 147 [Muradyan, A., *Erusaghemi hay tpagir grqi matenagitutyun (1833-1996)* (2011), Yerevan, Author's edition, 147];

ՈՍԿԱՆՅԱՆ 1988 – Ոսկանյան, Ն., Կորկոտյան, Բ., Սավալյան, Ա. (1988), *Հայ գիրքը 1512-1800 թվականներին*, Երևան, ՀՍՍՀ ԱԼ Մյասնիկյանի անվան հանրապետական գրադարան, 864 [Voskanyan N., Korkotyan, Q., Savalyan, A. (1988), *The Armenian book in 1512-1800*, Yerevan, Public Library of Armenian SSR after Al. Myasnikyan, 864];

ՈՍԿԱՆՅԱՆ, ՍԱՎԱԼՅԱՆ, ՍՈՂՈՄՈՆՅԱՆ, ԳՅՈՒԼՈՒՄՅԱՆ, ՍԱՀԱՅԱՆ, ԹԱԴԵՎՈՍՅԱՆ 1999 – Ոսկանյան, Ն., Սավալյան, Ա., Սողոմոնյան, Մ., Գյուլումյան, Օ., Սահակյան, Ա., Թադևոսյան, Ս. (1999), *Հայ գիրքը 1851-1900 թվականներին*, Երևան, «Գիրք», 860 [Voskanyan, N., Savalyan, A., Soghomonian, M., Gylumyan, O., Sahakyan, A., Tadevosyan, S. (1999), *The Armenian book in 1851-1900*, Yerevan, "Girk", 860];

ՍՏԵՓԱՆՅԱՆ 1973 – Ստեփանյան, Գ. (1973), *Կենսագրական բառարան (Հայ մշակույթի գործիչներ)*, երեք հատորով, հտ. Ա. (Ա-Թ), Երևան, «Հայաստան» հրատ., 382 [Stepanyan, G. (1973), *Kensagrakan bararan (Hay mshakuyti gortsichner)*, in three volumes, vol. A. (A-T), Yerevan, "Hayastan" Publishing House, 382];

ՏԵՐ-ԽԱԶԱՏՈՒՐԵԱՆ, ԳԱՆԳՐՈՒՆԻ, ՏՕՆԻԿԵԱՆ 1968 – Տեր-Խաչատուրեան, Ա., Գանգրունի, Հ., Տօնիկեան, Փ., (1968), *Հայոց լեզուի*

նոր քառարան, Պէյրութ, Կ. Տօնիկեան եւ որդիք, 924 [Ter-Khachaturian, A., Gangrouni, H., Tonikian, P., (1968), *Hayots lezui nor bararan*, Beirut, “K. Tonikyan ev vordik”, 924];

ՏԷՐ-ՎԱՐԴԱՆԵԱՆ 2022 – Տէր-Վարդանեան, Գ. (2022), *Յովհաննէս Վ. Զօհրապեանի ծնագրական եւ քնագրագիտական վաստակը. Ինքնակենսագրականը*, Բանբեր Մատենադարանի, հտ. 33, Երևան, «Մատենադարան» հրատ., 67-90 [Ter-Vardanian, G. (2022), *Yovhannes V. Zohrapian's handwriting and ethnography merit. The autobiography*, Banber Matenadaran, vol. 33, Yerevan, "Matenadaran" Publishing House, 67-90];

ՕՐՄԱՆԵԱՆ 1972 – Օրմանեան, Մ. (1979), *Ծխական քառարան*, Անթիլիաս, Մեծի Տանն Կիլիկիոյ Կաթողիկոսութիւն, 195 [Ormanian, M. (1979), *Tsisakan bararan*, Antelias, Metsi Tann Kilikio Katoghikosutyun, 195];

THE PRIVATE COLLECTION OF VALUABLE PRINTED BOOKS SATENIK GRIGORYAN

*Matenadaran, the Mesrop Mashtots
Research Institute of Ancient Manuscripts*

Keywords: Gegharkunik province (RA), Vardadzor village, Mush province, Western Armenia, Tazagyugh, Manukyan family, print books, private collection.

This work deals with the study of a private print collection of fourteen titles owned by an individual. The collection of valuable printed books belongs to the family of Azat Manukyan, a resident of Vardadzor village. After a long journey, it found its final resting place in the Manukyan family. The collection was moved to Vardadzor village in the 1940s, from Tazagyugh, another village in Martuni region (Gegharkunik province, RA). Some of the prints were brought to Tazagyugh in the 1800s. during the deportation period, from Mush province of Western Armenia. Now, a place of worship has been built in the adjacent part of the house for prints. The collection was discovered and studied for the first time. Through these prints, Armenian printed literature was enriched by fourteen more.